

許明 編著

中國佛教金石文獻

塔銘墓誌部六 元卷

遼寧



上海書店出版社

許明 編著

上海書店出版社

中國佛教金石文獻

塔銘墓誌部 六 元卷

遼堂



# 蒙古

## 和公大禪師塔記

蒙古太宗元年

耶律楚材

師本平水人，俗姓段氏。幼習儒業，甫冠，應經義舉。因閱《春秋左氏傳》，悟興衰之不常，慨然投筆，退居山林。年二十，棄俗出家，禮平陽大慈雲寺僧宗言爲師，受戒披剃，頗習經論。後聞教外別傳之旨，乃傾心焉，遍謁諸方，因緣不契。師知萬松老人之聲價，照映南北，直抵燕然而見之。居數載，師資道契，始獲密許，人頗知之。丙戌夏六月，故勸農使王公爲功德主，作大齋，又蒙行省相公泊以下僚佐專使賚疏，勸請開堂出世，因住持大萬壽禪寺。師素剛毅寡合，未朞，退居漁陽之盤山報國寺。建州元帥葛公、權府朱公、彈壓樊公聞師之名，飛疏敦請。辭不獲已，杖錫北行，詣建州梨花道院，以塞其命。未幾，示微疾，移居閭山之崇福寺養病。一日，忽召門人普淨輩謂之曰：「生死去來猶空花水月，何足爲訝。」遂淨髮更衣，端坐而囑後事。乃作頌曰：「臨行一句，當面不諱。皓月清風，不居正位。」頌畢，右脇而寂。師將順世，有本寺傳戒大師臨，謂之曰：「善爲道路。」師笑而不答，令衆且去，勿誼。衆皆出，聞師咄一聲，衆驚視之，師已寂矣。三日神光不變。茶毗之日，頗有祥異。數州士民焚香拜禮者，絡繹于路。師俗壽四十六，僧臘一十六。其徒迎其靈骨藏於萬壽祖塋之側。噫，師之處萬壽也，每聞誦經之聲，形不懌之色，由是人皆譏之。臨行之際，命其徒諷《尊勝咒》者，何哉？殊不知大善知識臨機應物，一抑一揚，一奪一縱，若珠之走盤，千變萬化，詎可以一途而測邪！至於巨川海和尚平日亦行此令，執相者諷之而謂毀梵行，掠虛者讚之而無礙禪，皆失之矣。後之學者，當以此爲誠。己丑清明，其徒屬予爲記，遂以所聞之語，信筆記之。湛然居士云。《湛然

居士集》卷十三



## 燕京崇壽禪院故圓通大師朗公碑銘

蒙古太宗二年六月

耶律楚材

師諱祖朗，姓李氏，薊州漁陽人。九歲出家，禮燕京大聖安寺圓通國師爲師。大定十三年，京西弘業寺受具。至二十一年，改弘業爲大萬安禪寺，有司承制，師充知事。厥後拂衣駐錫聖安，復爲舉充監寺。崇壽禪院者，寔圓通國師退老之舊居也。以師爲宿舊之最，承安間堅請師爲宗主任持，一歷十稔。又奉勅選香林禪寺開山提點，凡三載，勅賜惣持大德，答其勤也。既而崇壽復請住持，載閱五春。貞祐間，奉勅改賜今號。度門徒凡十有一人，咸有肖父之風焉。師前後輔翼叢林，不憚艱苦，讓功責己，潛德密行，不可槩舉。師以壬午之仲冬十有四日示寂於崇壽，僧臘五十三，俗壽七十四。師將順世，預召其屬徒，笑謂曰：「生緣我將盡矣。」屬徒退而相謂曰：「師神色自若，若無他疾，安得遽有是事邪！」後七日，師命侍僧執筆代書頌云：「咄遮皮袋，常爲患害；繼祖無能，念佛有賴。來亦無來，去亦無礙；四大各離，一時敗壞。且道還有不敗壞者麼？」良久，云：「浮雲散盡月昇空，極樂光中常自在。」語竟，乃閉目跏趺而寂。於是邇遐緇素，弔祭如雲，嘉聲遠震，愈光於生前矣。其弟子輩瘞靈骨於師翁靈塔之左，去京城之南可二里許。丁亥之冬，予奉詔搜索經籍，馳傳來京。有菴主志奧者，師之受戒弟子也，晚得法於聖安澄公圓照大禪師。以僕素與朗師善，屬予求碑銘。僕素愛師之純古灑落，與之游者久矣。師嘗云：「予晚節愈堅於持誦，日念彌陀聖號數萬聲方止，譬如抱河梁而浴，又何害焉！」今聞師之寂也，七日預知時至，雅符龍猛祖師之證，無乃持誦之驗歟！噫，聖人豈欺我哉！豈欺我哉！萬松老人爲宗門之大匠，四海之所式範，素慎許可，嘗贊師之真曰：「德譽燔沉，靈骨鏗金。訥於言而敏於行，璞其兒而玉其心。勅選提封於國寺，天資飽練於禪

林。子徒知寒蟬將蛻，尚嫺餘吟，吾以謂陞圓通之堂者，稽古依然接武於方今云。」萬松見許如是，人可知已。僕聞師侍從圓通國師最久，而又臨終之際超然自在，疑必得法於國師，或因緣未合，或受國師密訓，不令出世，亦石霜素侍者之儔侶歟！崇壽禪院方丈、法堂、叢林制度，一如聖安，師久據而不請禪伯住持者，亦猶素侍者「平欺老黃龍，下視兜率悅」之意歟！予恐後世明眼人責備於賢者，累師之重德，故雪之於此。後之子孫，當幹父之蠱，無蹈前轍，以玷師之高名焉。湛然居士再拜而作銘曰：

偉哉朗公，誕跡漁陽。師侍圓通，達奧穿堂。肅依宸命，屢提國寺。退己讓人，舉廢修墜。兒孫衆多，酷奉彌陀。心期極樂，迹厭娑婆。撒手便行，預知時至。臘五十三，壽七十四。奔喪赴祭，緇素駢闐。嘉聲遐播，愈盛生前。京南之原，茶毗靈骨。素答陵空，朗師不歿。佯癡放憨，素公同參。蔑視兜率，平欺匾南。不邀宗匠，冷閑方丈。垂手無人，老殘龍象。予聞君子，責備乃賢。毋以微瑕，累乎大全。云子云孫，幹父之蠱。載震師名，永揚萬古。庚寅年六月望日。《湛然居士集》

卷八

## 故大行禪師通圓懿公功德碑并序

蒙古太宗五年九月

武庭實

大行禪師通圓懿公功德之碑篆額

故大行禪師通圓懿公功德碑并序

涿郡范陽鄉貢詞賦進士武庭實撰并書丹篆額。

夫春雷發震，動衆耳之聳聞；秋月揚輝，慰群情之渴望。況諸乘之了悟，成本性之圓融。達空不空，□法非法。開慧眼要觀於千□，拈須彌納在於一毛。□苦得之慈航，指迷歸其正道。隱昧絕衆，見處驚人，

則懿公其人也。公姓劉氏，諱行懿，德興府磐山縣緣□里人也。劉珪幼子。始祖易水人，有故北遷，家于是邑也。母馬氏，同母兄有二，長小字吉壽，次王留，二嫂俱忘其姓氏，同居農耕爲業，皆克家。公自岐嶷時，不食五葷，不喜兒戲，恥留莖髮。七歲，志與出家，累詣父請施度，父不得已從之，禮到宣德州天宮寺僧長老道崇爲受業師，訓到前項法名行懿是也。公自爲人，性善志剛，無施勞，不伐善。及長，取予任意，斂散不拘，不積貨財，竊慕穀食鶉居之說，凡有所行，在人意表。至大定己亥，公年三十，具戒，奉師住湓水大明寺六年。師退去瓶錫，從徑歷洪山。頃之，隨師適馬安。公在河朔遊歷二十餘年，由是道價有聲。一日，如家省親，至門行化，母出施米□合許，公以善言磯激之，母亦不審，公去其笠，母覲面乃審，母子相嚮而哭，鄰里相慶。繼而有師命，知馬安寺事三年。會師有京都之請，公從之，居萬壽六年，勞逸半。師去，從適瑞雲。居未幾，師有頌以示衆，公獨知頌中意，有四方行脚志。公請留行，弗許。公負師行李如盤山。斯須，師有□君命，住香山積有日矣。退之仰山，在西堂閑居。公在靜居庵，師默授印證，公乃固辭，師弗從，公勉受。以是，傳密□諸用，□不以出世語也。志在退進，以隱爲□。一日，僻穀絕粒，茹松噉栢，三年外不時而絕之，或礼苦一齋者有之，公不欲食則已，如欲食則食之，翌日如初，人不堪其憂，公不改其樂也。故曰：「發憤忘食，樂以忘憂。」誠哉，是言也。後因師病屆覺山，是時師年七十四，有疾弗豫，乃洮頰易服，顧而命曰：「汝居白峪去者。」公曰：「諾。」師喪，公治任而歸，觀瑞雲形勢，甚可愛也。北□大寒，南帶龍泉，松檜陰森，果栗榮茂，千變萬狀，叢萃目前，山路脩阻，人迹稀少，真道人所居也。僅十年，居禪僧二百衆，洞風遠播，四方檀信作齋送供，不知其幾也。迨至寧改元癸酉，公年六十四，勅賜紫一襲。貞祐乙亥，復賜紫衣，并「通圓大師」号一道。會國多故，□亂並興，郡邑相吞，人自相食，原野厭人之肉，川谷流人之血，耕桑久廢，餓饑荐臻，民卒流亡，狼虎猖獗，莫之能救，此際遺黎僅有存焉。瑞雲僧行散而之四方，公獨居窟穴，茹松飲泉，性相兩忘。聞有餓人至公所乞食，公但指山松耳。幾二年餘，一朝兵寇劫人食之，□致二男五女將赴鼎鑊，時公示以至誠勸之，賊感公之言，遽釋之家。至丙子冬十一月，磐山安水寺僧德全違曹老使、王千戶等

四人，命公遽往出山，在道中冒風雪行住宿，至清安寺。居未幾，明年春如武川十方院，聞城市誼諱，公厭之，曰：「非山人居。」委而去之。椴峪龍巖寺，公憫寮舍僧廚，聞無人止，寺宇摧壞，公獨葺之，枝住傾斜，補綻缺壞，勞神疲力，汗顏血指，曾無少憚。由是禪刹一新，以致新舊徒衆其所由來者漸多矣。居僧二百餘，信施齋供者駢肩接武，鴈次鱗集，津送道糧者，亦莫知其數也。公嘗輸己財贖驅丁二男，一女從良。又歷見驅人，公於各使所以體兒代本人，施度使皆許之，前後化五十餘徒，仍勸逐人斷葷酒、持戒行，衆皆悅從。時溧陽寶寧寺開壇，造無遮會，濟度冤枉，時官命公即壇中居，周備法席，每巡位時，有清信男女潔髮布地，匝淹溼污，俟公過而履之。壇場大興，所得施利至甚多廣，悉歸寶寧常住。公回，明年武川摩訶院大開壇濟度，會太傅夫人母與陳機察輩命公主壇。公出椴峪至橋道院，在城應有僧尼道友捧花，查以法務逆之，仍以優樂道引，看者填道如堵。及入城門，彩雲盤空。至院即壇，克主張，是有業屠者，公戒以斷五葷，勿殺生，屠者亦忻然從之。公所過者，化生人以改惡修善，度亡歿者，樂處受生，前後救拔，不啻億萬計。壇事既畢，公復龍巖寺，一居十年，釋教大行。礬山李宣差過瑞雲，悼伽藍大壞，禪刹荒涼，彷徨而不忍去。於是糾率嶺北劉、聶二帥以下檀那等通議，竊請椴峪禪師來瑞雲住持可否？僉曰善。就委元帥聶公部三十力，以衷甲從之，并僧德瑩等三員坐馬二十四匹，就礬山高宣差等前去。戊子八月十九日夜，至椴峪門首刼公，乘馬而還，至溧水，會有二車先渡，公策馬隨之，二十日昧爽，至孫家莊，彼中檀信以香花迎入縣，公不解衣，接浙而行，晚宿於交道，作大雪。越翌日，達嶺北，見諸檀信敘舊畢，來瑞雲。公望殿塔摧毀，披荆棘而入，歎曰：「非向日所居耳。住持一事果如何哉？」會有宣差李公綠礬劉元帥，劉、聶二元帥以下檀那人等各不負初心，戮力同謀興造是刹，李宣差創外庫房，塔河馮二郎田四，高監軍山神堂，齊杜清水等莊創首座堂，皆自備力役工匠口糧。及諸檀那畢力營葺，山門一新，皆公緣力之所致也。其間武川太傅專人三請，公阻之。公自默受印以來，始卒教度門弟，僧二千許，尼八百餘，官貴僅七百，俗弟子萬餘人。迨壬辰七月間，弟子德道、德行等二人自相謂曰：「師年彌高甚矣，血氣之衰也久矣。吾儕若非急卜以壘壽塔，万一有故，必不能

盡其大事。」詣師數請，纔許之。二僧悅，遂經營□法，揆度功役，不費□業，悉付通公。公勇退在西庵閑居，至七月初二日，因病篤不藥，遷坐致齋，澡身靜首，易衣□□，以善言託諸弟子後事，遺頌辭世，少間談笑而終，衆皆大慟。三日，遠近吊者擗踊哭泣，哀以送之火葬，在烈燄中，起雲五彩繚繞。及收遺骨，遷入浮圖葬之。有人於元卜地中掘之，得公心眼不灰，舍利百餘粒。仍於是處中夜放光幾四七矣。非平素爲聖善人，斷無此景祥也。良自落髮以來，由大不□□習是不習非，居其實不居其華，審其作未審其輟，行藏無定，進退自如，□定則寒巖枯木，放行則匝地清風，志在「常善救人，故無棄人；常善救物，故無棄物」。慈悲是本，方便爲機，童稚行斯，龐眉不倦，積功累行，七十有八矣。故巍巍乎功成也，可誦而不可名；蕩蕩乎行滿也，可稱而不可比。見之者若翔鳳景星，仰之者如大山北斗。與春雷秋月旬旬炳耀而駭人耳目者，曷其異哉！諒已行之實，千古所無。瑞雲大衆使予覘公之實錄，予愕然曰：「是公也盡善盡美，得匪紀而贊諸？」贊曰：

公之先人，宅乎易水。有故北遷，礬山爲里。岐嶷自竒，莖髮恥留。七歲出家，父命是由。奉師以來，具戒賜紫。環流參訪，二十餘祀。一日省親，母疑弗兒。去笠就審，相嚮而悲。爰處天宮，歷居白峪。爲善憂□，惟日不足。茹松飲泉，周及六年。外以闢闔，任其自然。兵寇納人，將赴鼎鑊。公以善誘，遽釋其縛。被驅者多，使所自將。躬詣化度，或從其良。寺有崩摧，僧亦乏粒。公至足食，一新營葺。教度門弟，心無負初。僧尼三千，布髮淹泥。巡位之際，救拔橫天，及億萬計。在處送施，接武駢肩。至誠者感，幣帛生蓮。高弟見長，議壘壽塔。請之不從，復然後納。勇退瑞雲，孰能繼塵。會衆疏請，通公一人。公有疾甚，遺頌辭世。癸巳七月，負屨而逝。人皆慎終，三日送公。烈燄直上，彩雲映空。骨歸浮圖，効祥甦地。心眼不灰，多獲舍利。夜放寶光，晝現金身。神化無極，日日惟新。公在時人，敬如父母。仰之者何，更高山斗。山泉下流，惠衆無疆。公名配之，永懷不忘。



大朝癸巳季九月日，化緣建塔立碑門人德行、德道。前山主□德瑩，監寺德圓，□□□□□、德□，副寺德聰，監寺德遇，書記德空，山主德琛，老山主德信，首座善勇，助緣住持嗣祖沙門善通，懿公法弟首座行慈等同立石。奉先縣懷玉鄉工匠崔義、趙公元、王昌等刻石。

## 碑陰

敕賜瑞雲禪寺篆額

大行禪師門人開坐於後：賜紫沙門廣樹大師德寬、德全、德演、德琳、德周、德教、德能、德才、德如、德廣、德本、德住、德昇、德龐、德閑、德迴、德具、德義、德延、德議、德志、德實、德堅、德興、德緣、德添、德藏、德和、德宏、德瑞、德緒、德□、德泉、德元、德誌、德清、德新、德輪、德准、德祿、德來、德堅、德榮、德實、德便、德定、德忍、德平、德貴、德甫、德□、德隨、德倫、德知、德宜、德□、德聖、德固、德□、德從、德源、德遷、德通、德松、德堅、德智、德璘、德遠、德春、德方、德頤、德援、德順、德瑗、德回、德念、德蒲、德固、德泰、德存、德普、德用、德智、德延、德流、德厚、德懃、德用、□順、德水、德從、德運、德伶、德進、德□、德寧、德僧、道悟、道善、義俊、法遵、圓照、道政、義聰、性應、□□、義秀、善順、道進、義清。門人比丘尼衆：賜紫比丘尼俊悟大師德淨、賜紫大師德定、德界、德聰、德明、德安、德朗、德仁、德敬、德應、德志、德懃、德□、德善、德勤、德興、德□、德雲、德雨、德純、德寧、德心、德朗、德讚、德用、德行、德隨、德淨、德安、德英、德福、德溫、德暖、德實、德□、德常、德同、德榮、德令、德悟、德明、德惠、德戒、德妙、德會、德善、德正、德談、德忍、德因、德仁、德祿、德堅、德戒、德定、德敬、德圓、德受、德□、德平、德□、德志、德故、德綠、德遠、德寶、德□、德雲、德仁、德真、德祥、德順、德戒、德定、德圓、德緣、德悟、德常、德清、德道、德樂、德端、德順、德寶、德順、德遠、德因、德堅、德信。燕京法姪比丘尼淨悟大師德貞、妙雲、本從。門人俗徒弟衆等：太傅國公夫人劉氏、宣差便宜李善祿、弟二宣差夫人蔡善榮、宣差馬善、宣差溫善、宣差劉善、夫人趙氏、宣差高善、宣差河西□善、夫人王氏、

宣差楊善秀、夫人善昱、元帥劉善琳、夫人善□、元帥聶善珎、夫人善寬、元帥王善斌、夫人□□、都元帥趙善、夫人蕭氏、元帥劉善、夫人呂氏、元帥高善、元帥鐘善堅、夫人善深、元帥王善、元帥劉善、元帥林善、知府王善淵、夫人田善新、同知盧善榮、夫人褚善貴、元帥景善、元帥郭善、元帥耿善、李善其、元帥劉善、元帥邢善、元帥蔡善、第八千戶蒲鎮撫夫人冉善因、張同知夫人王氏、王元帥夫人□善貴。宛平縣齋堂等村俗徒弟□開具下項：監軍王善昇、寨使馬善琛、張善廻、馬善祿、馬史常、曹善順、□都監高、都監富、都監劉、都監韓善運、韓善齊、張善圓、李善緯、□善正、□監、監軍馬善安、賈監軍、張監軍、聶善瓊、聶善寶、聶善□、王善琛、王□□、楊善實、張善廣、劉善玉、劉善溫、王善興、王善潤、王善清、王善成、杜善暉、劉善義、葛善元、□善□、焦善琨、杜善安、□善延、杜善實、馮善忍、梁耶□、張善清、張善翼、張摠領、張善實、於善衆、齊善元、齊善正、宋善□、劉監軍、劉招□、盧善仁、王善宗、劉善堅、梁善琛、王善寬、寶善寬、劉善忠、李善□、劉善因、杜四奇、杜善松、富善順、賈善敬、杜善祿、杜善見、王善施、張善慶、梁善德、張善行、張善圓、龐善俊、龐善貴、□德奇、陳善孝、趙招□、張善成、張善元、張善恒、張善慶、劉善成、韓善全、馮善淵、馮善才、馮廣□、張善玉、張善忍、王善進、鄭善從、杜善清、鄭善弗、馮善蕭、張耶□、趙耶□、馬耶□、田善秀、宋善祥、□□□。良鄉縣玉河村等：監軍蔡善均、夫人李善仁、蔡善隆、鄭善順、蔡善進、湯善緣、甯善因、蔡善溫、李善成、王善寶、蔡先見、王善慶、鄭善慶、鄭善貴、趙善希、□善□、張二奇、李善堅、張善友、劉善悅、田善寶、田善喜、張善信、□善慈、李善仁、梁善因、李善壽、劉善淨、焦善隨、邵善回、呂善雲、魏次卿、高善顏、焦耶□、楊耶□、楊善奠、鄭即、張祥、焦大、王善仁、張善從、黃善舉、郭善平、鄧善志、王善資、安善住、王監軍、王善□、李善梅、封善貴、張善福。德興府：監軍李善端、夫人宇善貴、許善秀、虞善清、趙善深、劉善祥、楊善從、蕭善進、□善□、趙善道、趙善□、王善琳、蘇善寬、王善友、安善玉、王善淵、史善廣、劉善信、郭善廣、張善勳、薑善延、高善因、單善緣、李善□、韓善堅、句善忍、李善進、張善演、□善運、康善淨、李善秀、婁善淨、周彥溫、吳善志、張氏、呂善力、陳善真、李善德、蔡善直、王善□、張善應、王善全、鄺善順、劉善祿、李

□□、齊德圓、李善滿、林善祥、王善珎、蕭善宿、倪德志、王善益、武善祿、張善福、劉善廻、李善琳、王善義、魏善清、柏善寶、楊善明、李善□、趙□玉、崔善來、張善廣、曹善進、梁善應、時善喜、何善緣、王善玉、潘善德、呂善志、張善智、王善理、單善智、杜善受、劉善周、宋耶□、安如□、聞善新、□善順、趙善通、寧善伶、宋善□、杜善海、宋善深、王善安、於善常、韓善寬、劉善壽、蘇善春、劉善志、崔善信、王善泰、李善廣、蘇善甫、王善回、楊善柔、盧善珎、趙德真、趙善柔、楊善廻、呂善榮、何善伶。北礬山縣：康監軍、郭監軍、李監軍、劉德□、孫善慶、王德實、呂善慶、張善通、李善柔、孫善廣、王善志、石善真、王善明、焦善淨、何善用、韓善道、張善義、馬善禮、張善寬、陳善貴、張氏、曹善真、王善令、王善聰、劉善信、吳善月、李善祐、劉善親、許氏、孫善深、董善信、李善成、張善玉、王善堅、高善智、張義志、崔善敬。南礬山鎮：劉提控、劉監軍、趙監軍、牛監軍、董監軍、甯大□、趙耶□、穆三□、蔡三、趙監軍、李監軍。宣寧府：李善碧、孫德真、安善深、楊德榮、武德福、任德柔、辛德容、張善壽、劉善向、李德巡、富善昌、李德新、劉德志、靈善照、王善明、張善忍、虞善清、郭善淨、劉善住、安善常、李善言、李德工、高善□、楊善順、楊善□、唐善正、劉善准、王善潤、曹善玉、張善圓、張善壽、高善貴、郭善成、楊善引、李善福、蒙善安、劉善樂、辛善禮、劉善來、李善遷、穆善慶、唐善蒲、劉善貴、李善言、董善和、張善緣、周善圓、李善道、孫善□、於善引、孫善慶、王義□、梁善淨、孫善昌、王善寬、王善寧、高善淨、孫善慶、孫善昱、陳善隨、鄭善秀、李善修、王善慶、韓善溫、韓善稱、何善從、李善足、趙善信、王善孝、馬善□、龍川居士張德賢施銀一百□、劉善清、高善仁、袁善貴、□善廻、李善蒲、李善通、蘭善遇、楊善明、王善志、孫善海、郝善修、張善達、王善貴、趙善備、王善實、魏善胥、蘭善政、費善因、王善明、和善福、張善端、王善信、陳善□、楊善□、劉善□、劉善貴、張善慈、張善貴、尚善□、高善昇、李善顏、和善□、董善甫、張善玉、馬善淨、馬善壽、王善寬、馮善進、呂善廣、石善壽、王善堅、王善慧、韓善大、蘭善遇、楊善明、張善圓、孫善成、柳善義、馬善流、高善志、齊善蒲、李善正、孫善戒、劉善道、王善項、姚善□、畢善戒、孟善遂、費善從、刑善智、韓善言、□善忍、孫善因、孫善海、馬善言、張善成、王善言、閆善至、□善清、王善

□、董善玉、楊善寶、董善臨、李善至、邢善常、時善明、田善忠、王善覺、丁善真、高善聚、孟善悟、趙善勤、李善金、張善寬、田善雲、焦善深、崔善悟、費善□、任善大、宋善欽、呂善遇、元善明、張善香、劉善福、王善玉、尹善因、韓善純、王善忍、李善遇、王善道、曹善同、張善祿、劉善同、劉善淨。安定川：趙德喜、楊德隨、郝監軍、高善雲、王善報、許善廣、李善僧、牛善淳、汪善□、趙善潤、葛善緣、高善德、姚善事、李善潤、曹善滿、張善□、□善寶、楊善安、趙善圓、孫善玉、劉善慶、王善□、高善德。燕寧府：劉善深、王善春、張善壽、舍人善真、高善全、嚴善□、王善□、韓善隨、傅善明、李善琳、劉善暉、趙善道、楊善祥、祖善甫、梁善常、周善玉、李善信、陳善賢、衛善安、孫善會、趙善整、董善慈、史善榮、韓善忍、盧善訓、劉善琪、安善通、朱善圓、張善義、李善仁、薩善良、丁善志、李娘、王善□、任善□、李善順、趙善志、範善壽、崔善信、張善慶、張善儒、石善堅、李善□、宋善□、滑善喜。奉先縣：李善周、趙善足、趙善遇、鄭善□、□善清、董善淨、胡善祿、許善義。定□縣：趙善圓、趙善義、孟善美、趙善愛、田善榮、何善化。龍州：張善和、武善從、樊善壽、冒善直、鹿善通、李善柔、劉善榮、李善欽、齊善□、李善□、李善吉、于善真、趙善志、王善忍、張善□、馬善琳、劉善順、草善道、辛善榮、白善念、□善海。岢大朝癸巳年九月□日記。《北京元代史迹圖志》一一五頁

碑刻說明：碑青石質，通高二七二釐米，寬一四六釐米，厚二五釐米。碑陽文七十行，行七十四字，正書；額三行，行四字，篆書。碑陰文七十七行，行字不等，滿行七十字，正書；額二行，行三字，篆書。在北京市房山區史傢營鎮曹家房村瑞雲寺。

## 經論傳大乘戒沙門珪公生前塔記

蒙古太宗十年

武曜

經論傳大乘戒沙門珪公生前塔記

前岳陽縣令武曜撰，本院沙門洪潮書。

師諱德珪，俗姓曹氏，家世蘇村人也。生而慧悟，不喜俗居，恥與群兒嬉戲，父母純善，不苟五辛。嘗以

夕禮佛廁於華嚴經邑，知師宿性，許以出家。師年十五，落髮於蜀村會勝院，禮僧善賢爲師，誦經試度，爲衆所稱。曾不數年，習五大經部，受二十具戒。瓶錫之外，志樂遠游，首於汴京淵公僧錄習《唯識》等論，公與其和尚處習《玄贊》、《妙門》，了奧密義旨。後依寂照以法器許之，授《圓覺》、《金剛》二經要訣。未及中年而衲子歸向。不幸貞祐以來，世劫翻亂，兵煙四起，朝暮梁晉。師以弘願隱於文殊五臺，獲全身於安土。擾攘之後，玉難掩光。師復受請傳清涼會首菩薩戒於鎮陽，又受麻菩薩疏請開演《金剛經》義於槁城。名貴既兼，而緇素爭識。爾後齊趙之間，逮於高唐，隨處開演十有餘年，其緣法量不謂不厚矣。師因歲久且倦，遽然思歸。乙未之秋，還於舊刹，數載之際，以利益接衆，院事有托，度門人洪恰、洪道、洪釋、洪溫，其赴講嗣法者，又能以數而計哉！今師壽六十有八，自謂向衰，將以佛法示天，取頭陀行門，罷居蘭若，而營寂於冢間，作無常觀想，仍出衣孟餘資，預穴瘞室於祖墳之外，晝梵夕誦，冀終厥齡。可謂生滅之間，無有貪怖，真群子之共難，無礙之正觀也。門人洪源深恐一旦西逝，泯此遺事，姑以其實屬余而記之。予以戒師有香火之舊，固不敢辭，因牒訴之辭，略爲之銘曰：

昔佛說法，示生滅身。後人愚迷，妄起貪嗔。偉哉珪公，性稟慧悟。生滅二事，不喜不怖。自幼落髮，戒具經明。周遊外方，孰不欽名。晚年還鄉，慨然有斷。營於冢間，作無常觀。

戊戌年戊午月丁亥日，門人洪潮立石記。

《三晉石刻大全·臨汾市洪洞縣卷》下冊九七七頁

碑刻說明：碑原在洪洞縣蘇堡鎮蜀村。

## 興聖寺開山智公大禪師行狀記

蒙古太宗十二年三月

### 興聖寺開山智公大禪師行狀記





佛頂尊勝陀羅尼啟文不錄

歿故師翁玘公法師先師珏公監寺之塔

師諱普玘，字伯玉，五臺縣建安里人也。俗姓陳氏。自小性善仁賢，心樂空門，不愛世榮。父母遂捨，禮五臺山大華嚴寺真容院山門十寺提點傅大乘戒賜紫僧惠了爲師。公侍師如阿難無異，行孝似賀□一般。性行溫柔，僧俗嘆美，釋門奇人也。□□金大安三年，買度官壇受戒，節操如同松筠，四時不變，堅持聲聞禁戒□□閑暇。至於貞祐三年小春之月，時遇兵劫，犯於中原，玉石俱焚，善惡不分，天下招提，咸從毀廢，□□法侶，悉皆摩滅。師於一日，值天身亡，不幸歸逝，至若憂囚餒喪□骸□□□□因於往世，非師□業所感□業如然。俗壽四八，僧臘一十九。度門人文珏，此時各自藏竄，師資不顧，遂□時清歲稔，思□先師之洪恩，擬建葬塔，力無所措，寢饋無忘。忽於一日，卜宅安墓於寺西北隅，展地□□，欲立尊勝幢□□□工。是時□忽染纏痾，不能痊可，到於辛丑年十月末旬有七日巳時歸逝，俗壽四十六，僧臘二十九。度門人義□□亦念先師之厚意，捨己衣孟，建立墳塔，遂與師資同一葬焉。可謂象王去而象子隨。乃爲銘曰：

師資生處兮，五臺古襄。投師出家兮，紫府真容。精修煉行兮，六念无虧。仁義道德兮，鄉□讚美。深通三藏兮，□辨才博。不幸歸逝兮，圓寂已周。安葬建塔兮，綿遠暉光。

五臺山大華嚴寺真容院賜紫沙門普玘，門人俊悟大師、前監寺僧文珏，資門□□正□義□。本院師公講《華嚴大經》沙門普行詳錄，師公講經論沙門普瑞，門資講經論沙門□□。下有助緣人姓名尚多，不錄。大蒙古國歲次癸卯年□□□□□□門資義□立石。《定襄金石攷》卷二

碑刻說明：幢高二尺五寸，八面，每面廣五寸，行字不等，首面上刻佛像，下題「歿故師翁玘公法師先師珏公監寺之塔」十六字，字徑一寸二分，均正書。在東王村青龍寺。

# □州在城衆等寺賜紫宣理大師該公壽塔

蒙古乃馬真

后四年

□州在城衆等寺賜紫宣理大師該公壽塔

錦川道人宋可道書丹。

大朝國歲次乙巳夏五月甲午朔十五日戊申，小師祖朗、祖秀、祖恩、孫淨玉、淨源、淨海、淨思同立。勸緣蘇淨喜、劉淨寬、周法壽、周淨普、李祖應。里人李仙刊。《北京圖書館藏中國歷代石刻拓本匯編》第四八册七頁

碑刻說明：拓片高九三釐米，寬五二釐米，正書。

## 徽公塔銘

蒙古定宗元年四月

元好問

師諱澄徽，出于平定和氏。弱不好弄，行值塔廟，如欲作禮然。七歲白其父求出家。父知其代值善根，送之冠山大覺寺，師宗圓大德洪公。一日，詣洪公言：「今釋子迴迴，率言誓求佛果。如經所說，沙門修行歷三數劫，以至大千世界，無一卧牛許地，非其舍身命處，乃得成道。信斯言也，世豈有一人可證佛果者？」洪雖心異之，而不知所以答也。崇慶初，以恩例得僧服。洪命師歷講席以求義學，不三四年，能爲先學者指說。既久，厭抄書之繁，投卷嘆曰：「渠寧老于故紙間也！」即拂衣去，依清拙真禪師于亳、泗間。真一見師，知其不凡，贈之詩，有「三尺枯桐傳古意，一根藜杖知歸程」之句。再參少林隆、寶應遷，最後入龍潭虛明壽和尚之室。虛明風岸孤峻，特慎許可。師扣請未幾，即以第一座處之。有爲虛明言者：「公于徽首座推

激過稱，不重加爐錘，則吾恐一軍皆驚將復見于今日矣。」虛明笑曰：「君未之知耳！我二十年不了者，渠一見即了，尚待爐錘耶？」癸未冬佛成道日，衆以師心光煥發，有不可掩焉者，請于虛明，願爲師舉立僧佛事。師不得已升座，舉岩頭叢法語云：「見過于師，方可傳授；見齊于師，減師半德。今日徽首座爲是見齊于師，爲復見過于師？若謂見過，辜負虛明老人；何止辜負虛明，亦乃喪身失命。若謂見齊于師，寧不辜負徽首座！何止辜負徽首座，雲門一枝，掃地而盡！然則究竟云何？」徐拈拄杖云：「一朝權在手，看取令行時。」虛明大喜，至以得人自賀。正大甲申，住陳留之東林。明年，開堂于亳州之普照。名士史內翰季宏而下，爲具疏。于是，師之道價隱然于東南矣。師以世將亂，從虛明于靜安，築室汴水上，五六年，杖策北渡。故吏部尚書張公履，留師住彰德之天寧。師天性簡重，且倦于迎接，不二年，遁居大名，閉門却掃，人事都絕。雅善琴道，且于詩律有功，惟以二事自娛。而學人之來者日益多，編茅爲屋，乞米爲食，有依止歲久而不忍去者。師幡然曰：「今狂解塞路，誠羞于同列。然玄綱之墜久矣，將不有任其責者乎！」乃聽學人人室徵詰，開示極爲周悉。因師得證者繼有其人。俄以補印《藏經》，賜號寂照通悟大禪師。以乙巳冬十一月之五日示微疾，却後五日，沐浴更衣，留偈而逝。得年五十有四，僧夏三十有三。度弟子于內得法者十有一人：智贊、子昶、善明、子廣、德澄、善惠、惠臻、普瓊、淨瑞、子源、道忠。所著《升堂語錄》、《解道德經》并詩、頌、雜文，傳于諸方。師没之七日，遠近會葬，傾動州邑。荼毗之際，靈異甚多。起塔于二祖元符禪寺與山陽之白茅寺，遵遺令也。往予過大名，曾一謁師。予先世家平定，然未嘗語及之也。今年秋九月過平定，游冠山，聶帥庭玉指似予：「此寺即徽上人落髮處也。渠已老，故瞻粉榆，有終焉之志，旦夕往迎之矣。」時殿後一大松，槃礴偃蹇，高出塵表，予拊而愛之。庭玉又言：「此松先有虬枝，及地而起，畫工往往貌之以爲圖。此夏忽爲大風所折，松今非向比矣。」予私念言：「成都石笋折，隨有當之者。上人其不歸乎？」及到大名，而師之逝已三日矣。僧贊及瓊輩，以予師鄉曲，丐爲塔銘。予正宗無淘汰之功，謝不敢當。贊三請，益勤。度不可終辭，因就師象前，問：「師能爲我說法否？」寂聽良久，捧手曰：「法王法如是。」